

## احلام بائعة اللبن

( النصوص ادناه لاعلاقة لها بالعنوان )

خواطر و آراء وافكار وتاملات وكلمات  
وشعر يشبه النثر ,  
ونثر يشبه الشعر ,  
وشعر

علاء العبادي  
(2021-1951)

\*\*\*

اية امرأة انت...  
زمن يمضي... ام زمن ياتي

\*\*\*

الوحدة

خير من جليس السوء  
هذا مايفضله الرجل دائما  
يحب ان يكون وحيدا  
يحب الوحدة  
ولكنه لايتحملها مثلما تتحملها المرأة  
المرأة لاتشكو الوحدة  
ايا كان وضعها الاجتماعي او العاطفي  
اما الرجل  
فالوحده  
عنده

قد تقتله احيانا

\*\*\*

اوقات السرور خلسة

\*\*\*

انا صحت من الطفولة  
لاتصحو انت

\*\*\*

سلام من بعيد

ولكن من القلب

\*\*\*

ما أريد انا احلم بعد  
هذا الحلم ما أريده  
يواعدني بالحظ والسعد  
وافكار كلها جديده  
ياأمني لو طال الأمد  
بالأمل نطلع سيده  
ما أفكر بضيم ونكد  
كادر عليه ويبيده  
ما أريد انا أفراح وسعد  
ولا أريد فرصه جديده  
كالولي من جد وجد  
وزين الأكل من ايده  
صارت حياتك يا ولد

بس حلم وانتة تعيده  
لاظهر عندك لاسند  
ومتفيدك التهيده  
عصفور انا وغيري اسد  
مشغول ابد بالصيده  
والأسد نايم بالرغد  
وبحضنه نامت غيده  
كل همه يسلبني الرشد  
وهي فرصته وعيده  
لو صحت يا ربي المدد  
كافي بعد لاتزيده  
عبدك تره عبد الصمد  
يدري بصلاته تفيده  
مثلي ابد غيرك عبد  
وغيرك ابد ما أريده  
ضلينه بعدك يا سند  
مثل الحظى بتأ بيده  
لاصبر عدنه ولاجلد  
ولاعمل عدنه نجيده  
كل هممه نحلم للأبد  
نحظى بحياة جديده

\*\*\*

عندي حلم ماينتهي وماريده ابد يتحقق  
كلما بقى يعانى القلب الحلم يطلع اصدق

\*\*\*

جنت احلم اطلع دكتور واكتب دوا للمرضه  
دهن الفجل للمكروص وروث البقر للعضه  
\*\*\*

لاتحرميني منك  
هذا اخر خميس لي  
قبل ان اغادر المجموعة الشمسية  
لا اريد الرحيل  
بلا ذكريات

\*\*\*

يارب  
ولو لكزس

\*\*\*

هذا الشعر من تقراه لتظن يدور شهره  
كلش سهل بالتعبير ويبقه القصد بالعبره  
نصه هزل نصه جد ومطعم بجم فكره  
  
وما ينتظر منك رد وهم أنته لا تنتظره  
ما يحتمل منك نقد مثل التنغزه بأبره  
وما أريدك تكلي خوش وما أريدك أنته تنكره

هذا الشعر تجريبي وما بيه فلم للسهره  
ما كمل الخمس سنين وما أظن يكمل العشرة  
ما قلدت بيه عريان ولا خضت يوم بنهره  
أدري النهر مهما كان جاري البحر ينتظره  
وأدري البحر موجه صعب وأمواجه كلش خطره  
مو سهله من تسبح بيه ومو سهله من أتعبه  
فكره وأجتني والشعر يبقيه أساسه الفكرة  
ويبقيه أساسه الموهبة ومو بيدك أنته تغيره  
والشعر يبقى موقف وبالشعر تصنع ثوره  
بالفصحى جنت أكتب وأظن تعبني عجزه وصدرة  
واكتبته حر ومنتور وجم مره عدته ومره  
وأطبعته ديوان جبير وبس اني وحدي الأقره  
مات القره شعري وبقي الاغبر أظن والغبره  
لو ردت أقره الواحد لازم اعزمه بسفره  
لو حفله اسويله وعشا وانتظره يخلص عذره  
والعشا قوزي محشى مشوي ودجاجه محمرة  
والسفره بيها خضيري وبيها لحوم وصبره

وبقلاوة لازم أشتري وبالوته هم تنتظره

ويعوفني تالي ويظل ينتظر فلم السهره  
بنص الفلم يغفه وزين لو غفه مرته تذكره  
بالفطره من تكتب شعر ويبقى اليجب بالفطره